



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradašćevića 54, 76 250 Gradačac, telefon 035-817-322, fax. 035-818-716, e.mail: opc.grad@bih.net.ba, www.gradacac.ba

Izvještaj o radu mjesnih zajednica na općini Gradačac

Gradačac, juli 2018.

U v o d

Zakon o principima lokalne samouprave ("Sl. novine FBiH" broj 49/06 i 51/09) u poglavlju mjesna samouprava, propisuje način osnivanja mjesnih zajednica, poslove u nadležnosti mjesnih zajednica, način donošenja statuta mjesne zajednice, principe i izvore finansiranja, nadzor nad radom organa mjesne zajednice.

U skadu sa članovima 22-32. Zakona o principima lokalne samouprave, Općinsko vijeće Gradačac donijelo je Odluku o mjesnoj samoupravi ("Sl. glasnik Općine Gradačac" broj 3/14) kojom su uređena osnovna pitanja za ostvarivanje mjesne samouprave i potvrđen kontinuitet djelovanja 36 mjesnih zajednica upisanih u registar mjesnih zajednica sa podacima na dan stupanja na snagu pomenute Odluke.

Nakon ove Odluke, donešen je određen broj odluka kojima se uređuje postupak registracije mjesnih zajednica, postupak izbora za organe mjesnih zajednica, termni raspisivanja izbora u mjesnim zajednicama.

Funkcionisanje mjesnih zajednica nakon donošenja pomenutih lokalnih odluka, i nakon dugotrajne pauze u održavanju izbora za organe mjesnih zajednica, pokrenuto je održavanjem izbora u mjesnim zajednicama i to, zbog slabog odziva građana na kandidacione zborove, u tri termina: 14. 06. i 29.11. 2015. godine i 15. 05.2016. godine.

Funkcionisanje mjesnih zajednica i obaveza izvještavanja

Članom 32. Zakona o principima lokalne samourave predviđeno je da nadzor nad radom mjesne zajednice vrši vijeće jedinice lokalne samouprave, a on se osigurava prvenstveno kroz razmatranje izvještaja organa mjesnih zajedncia koji su oni dužni podnositi .

Programom rada Općinskog vijeća Gradačac za mjesec juni predviđeno je razmatranje izvještaja o radu mjesnih zajednica na općini Gradačac. U cilju pripreme izvještaja, Općinska služba za društvene djelatnosti i boračko-invalidsku zaštitu 25.maja 2018. održala je sastanak na koji su bili pozvani predsjednici/predstavnici svih mjesnih zajednica općine Gradačac i na kojem je ponuđena i objašnjena metodologija izvjetavanja mjesnih zajednica.

Sastanku je priusustvovalo 26 predstavnika mjesnih zajednica i povjerenik za MZ Vučkovce, a izvještaje je dostavilo 16 mjesnih zejednica.

Vijeće mjesne zajednice Vučkovci Odlukom Općinskog vijeća Gradačac od 15.05.2018. godine je raspušteno, a istom odlukom je propisano da će Općinska služba za društvene djelatnosti vršiti poslove mjesne samouprave u ovoj mjesnoj zajednici, a da će izbori biti raspisani u roku od 60 dana.

Sastavni dio ovog materijala je i metodologija za pisanje izvještaja ponuđena na održanom sastanku sa predstavnicima mjesnih zajednica (prilog 1.) i izvještaji pripremljeni od strane mjesnih zajednica.

Nova vizija mjesnih zajednica - prijedlozi unapređenja

Općina Gradačac i šest mjesnih zajednica (Međida Donja, Bagdale - Ahmetaši, Mionica I, Biberovo Polje, Sibovac i Vida I) od 2016. godine uključeni su u projekat "Jačanje uloge mjesnih zajednica u BiH" koji finansiraju vlade Švicarske i Švedske, a implementira UNDP.

Među očekivanim ciljevima ovog projekta je i jačanje kapaciteta službenika koji saraduju sa mjesnim zajednicama i lidera mjesnih zajednica; pružanje podrške projektima mjesnih zajednica koji doprinose unapređenju kvaliteta javnih usluga i boljem kvalitetu života na lokalnom nivou, a jedan od ciljeva je i poboljšanje pravne regulative u okviru jedinice lokalne samouprave koja se odnosi na mjesne zajednice.

U okviru projekata, na osnovu dosadašnjih istraživanja i različitih praksi na području BiH, predložena su četiri tematska modela mjesnih zajednica:

-zagovaranje i pristup upravi (prva stepenica prema upravi, pružanje povratnih informacija, partnerski odnosi, artikulisanje prijedloga građana, liderstvo u zajednici, izvještavanje i planiranje, umrežavanje i uspostava odnosa, evidencija i dokumentovanje....)

-pružanje usluga građanima (protok informacija, potrebe stanovništva u ruralnim sredinama, prikupljanje sredstava, implementacija povjerenih poslova, koordinacija sa nadležnim javnim službama)

- društveni i kulturni centar (podrška inicijativama pojedinaca, solidarnost i volonterske akcije, saradnja sa kulturnim i sportskim organizacijama..)

-prostor za učešće građana (afirmacija građanskog aktivizma, organizirano učešće građana, organizacija volonterskih akcija, zastupanje interesa manjinskih populacija, redovno informisanje građana...)

Svaka od jedinica lokalne samouprave može od ponuđenih elemenata modela kombinovati prema svojim specifičnostima, zahtjevima i potrebama, model koji će najbolje funkcionisati na njenom području.

Iz dosadašnje prakse funkcionisanja mjesne samouprave na području općine Gradačac, evidentnih poteškoća u održavanju izborne procedure, neujednačene aktivnosti vijeća mjesnih zajednica, jasno je da je neophodno inovirati i osavremeniti dosadašnju praksu saradnje mjesnih zajednica sa jedinicom lokalne samouprave, saradnju sa građanima, uvesti korištenje novih tehnologija u komunikaciji i dr.

Iskustva šest mjesnih zajednica uključenih u projekat, edukacije koje su predstavnici mjesnih zajednica i aktivisti prošli, svakako su dobra osnova da se na lokalnom nivou ova iskustva podijele, unesu promjene u funkcionisanje i rad vijeća mjesnih zajednica uvažavajući principe koji su temelj vizije nove uloge mjesnih zajednica: reprezentativnost, odgovornost, inkluzivnost, koordinacija između svih tijela i organa mjesne zajednice, transparentnost i hijerarhija, profesionalizacija i osposobljenost uposlenika, fokus na građane, nezavisnost i depolitizacija.

Općinska služba za društvene djelatnosti i
boračko-invalidsku zaštitu

Izvještaj o radu mjesnih zajednica na općini Gradačac u 2017. godini

1. Osnovni podaci o mjesnoj zajednici

- 1.1. Naziv mjesne zajednice i područja u sastavu mjesne zajednice
- 1.2. Podaci o Predsjedniku i članovima vijeća MZ (prezime i ime, područje)
- 1.3. Kontakt podaci mjesne zajednice (broj telefona, e-mail adresa, Facebook stranica, web stranica)
- 1.4. Datum održavanja izbora za Vijeće mjesne zajednice
- 1.5. Prostorije za rad mjesne zajednice (opisati prostor, površina, stanje objekta)
- 1.6. Opremljenost prostorija namještajem i opremom za rad (namještaj, računar, štampač, projektor)
- 1.7. Ostali prostori u vlasništvu mjesne zajednice (prostori dati u zakup, sale,)
- 1.8. Sportski tereni i poligoni (stanje, namjena, korisnici)

2. Aktivnosti Vijeća mjesne zajednice

- 2.1. Broj održanih sastanaka Vijeća mjesne zajednice i teme koje su razmatrane
- 2.2. Broj održanih zborova ili foruma građana, tačke dnevnog reda i zaključci
- 2.3. Način obavještanja građana o odlukama i aktivnostima Vijeća mjesne zajednice
- 2.3. Realizovani projekti u 2017. godini (infrastruktura)
- 2.4. Održane kulturne i zabavne manifestacije (naziv, nosilac aktivnosti, broj učesnika)
- 2.4. Održane sportske manifestacije u mjesnoj zajednici (naziv, nosilac aktivnosti, broj učesnika)
- 2.5. Održane humanitarne i volonterske akcije (opisati)

3. Podaci o stanovnicima mZ

- 3.1. Broj stanovnika mjesne zajednice
- 3.2. Procjena broja osoba starijih od 65 koje žive same
- 3.2. Broj osoba sa invaliditetom i problemima kretanja

4. Finansijsko poslovanje MZ

- 4.1. Budžet mjesne zajednice za 2017. godinu (plan svih prihoda i rashoda)
- 4.2. Izvori prihoda mjesne zajednice u 2017. godini (vlastiti, Budžet općine Gradačac, donacije)
- 4.3. Ostvareni rashodi po vrstama troškova u 2017. godini
- 4.4. Završni račun za 2017. godinu